

לו: וישבעני אדני לאמר לא-
 תקח אשה לבני מבנות הפנעני
 לח אשר אנכי ישב בארצו: אם-
 לא אל-בית-אבי תלך ואל-
 משפחתי ולקחת אשה לבני:
 לט ואמר אל-אדני אליו לא-תלך
 מ האשה אחרי: ויאמר אליו
 יהיה אשר-התהלכתי לפניו
 ישלח מלאכו אתך והצליח
 דרכך ולקחת אשה לבני
 מא ממשפחתי ומבית אבי: אז
 תנקה מאלתי כי תבוא אל-
 משפחתי ואם-לא יתנו לך
 מב והיית נקי מאלתי: ואבא היום
 ס אל-העין ואמר יהוה אלהי
 אדני אברהם אם-ישק-נא
 מצליח דרכי אשר אנכי הלך
 מג עליה: הנה אנכי נצב על-
 עין המים והיה העלמה
 היצאת לשאב ואמרתי אליה
 השקיני-נא מעט-מים מכהך:
 מד ואמרה אליו גם-אתה שתה
 וגם לגמליך אשאב הוא
 האשה אשר-הכיח יהוה לבן-
 מה אדני: אני טרם אכלה לדבר
 אל-לבי והנה רבקה יצאת
 וכדה על-שכמה ותרד העינה
 ותשאב ואמר אליה השקיני
 מו נא: ותמהר ותורד כדה מעליה
 ותאמר שתה וגם-גמליך

אשקה ואשת וגם הגמלים
 מז השקתה: ואשאל אתה ואמר
 בת-מי את ותאמר בת-בתואל
 בן-נחור אשר ילדה-לו
 מלכה ואשם הנזם על-אפה
 מח והצמידים על-ידיה: ואקד
 ואשתחוה ליהוה ואברך את-
 יהוה אלהי אדני אברהם אשר
 הנחני בדרך אמת לקחת
 מט את-בת-אחי אדני לבנו: ועתה
 אם-ישכם עשים חסד ואמת
 את-אדני הגידו לי ואם-לא
 הגידו לי ואפנה על-ימין או
 נ על-שמאל: ויען לבן ובתואל
 ויאמרו מיהוה יצא הדבר לא
 נוכל דבר אליך רע או-טוב:
 נא הנה רבקה לפניך קח ולך
 ותהי אשה לבן-אדניך כאשר
 נב דבר יהוה: ויהי כאשר שמע
 עבד אברהם את-דבריהם
 נג וישתחו ארצה ליהוה: ויוצא
 העבד כלי-כסף וכלי זהב
 ובגדים ויתן לרבקה ומגדת
 נד נתן לאחיה ולאמה: ויאכלו
 וישתו הוא והאנשים אשר-
 עמו וילינו ויקומו בבקר
 נו ויאמר שלחני לאדני: ויאמר
 אחיה ואמה תשב הנער אתנו
 ימים או עשור אחר תלך:
 ט ויאמר אלהם אל-תאחרו אתי

ויהוה הצליח דרכי שלחוני
 טו ואלכה לאדני: ויאמרו נקרא
 לנער ונשאלה את-פיה:
 טז ויקראו לרבקה ויאמרו אליה
 התלכי עם-האיש הזה ותאמר
 טז אלה: וישלחו את-רבקה
 אחתם ואת-מנקתה ואת-עבד
 ס אברהם ואת-אנשיו: ויברכו
 את-רבקה ויאמרו לה אחתנו
 את היי לאלפי רבבה ויירש
 סא זרעך את שער שנאיו: ותקם
 רבקה ונערתיה ותרכבנה על-
 הגמלים ותלכנה אחרי האיש
 ויקח העבד את-רבקה וילך:
 סב ויצחק בא מבוא באר לחי ראי
 סג והוא יושב בארץ הנגב: ויצא
 יצחק לשוח בשדה לפנות ערב
 וישא עיניו וירא והנה גמלים
 סד באים: ותשא רבקה את-עיניה
 ותרא את-יצחק ותפל מעל
 סה הגמל: ותאמר אל-העבד מי-
 האיש הלזה ההלך בשדה
 לקראתנו ויאמר העבד הוא
 אדני ותקח הצעיף ותתכס:
 סו ויספר העבד ליצחק את כל-
 הדברים אשר עשה: ויבאה
 יצחק האהלה שרה אמו ויקח
 את-רבקה ותהי-לו לאשה
 ויאהבה וינחם יצחק אחרי
 אמו: